

van dorp

E LIBRERIA MODERNO DEN NASSAUSTRAAT

TAMBE PA BO NESESIDATNAN PA SKOL

TEL : 3076

NASSAUSTR. 77

No ta eksisti antiyano

Kiko pues Aruba tin pa resalta su identidat !

Kustumbernan tradishonal di generashon pa generashon.

Kumindanan típiko : e.o. pan bati.

Na kiko bo por rekone un Arubiano.

Na su parti positivo — negativo

Forma di traha su kas, ku no ta manera Kòrsou ni Bonaire, kas di torto, pañota.

Den su musika, melodia i ritmo.

Tambor	versus	Tambu
Dandeh		Simadan
Dera Gay		Seú
Folklore		Kompa Nanzi
E Shoko Bispao		

Mal interpretashon di e palabra identidat tin su peliger.

Nos mester ta konsiente di nos identidat, pero na mes tempu nos mester ta habrí pa siña konose kultura o kustumbernan di otro paisnan, ku tempu hasta ta meskla ku nos kustumbernan.

Kultura no ta solamente konserba mantene loka ta di nos, sino tambe adkiri, haya mas aserka.

Maske nos a nase riba un isla, den e kaso aki, si Bo a nase na Aruba, Bo ta mantene bo identidat komo Arubiano, pero sigi semper sera konosí ku mas kultura di otro partinan di mundu sin tin nesesidat di adopta tur den Bo kultura.

Si pa tradishon di siglonan Hulanda i otro paisnan a avansa, a bai padilanti den hopi aspekto, no ta inteligente di nos parti pa nos keda sin tuma algo konstruktivo di tal kultura, sinembargo tampoko ta rekomendabel pa guli tur kustumber ku ta choka ku nos mentalidat.

Identidat ta masha bunita pero no mester ta eksagera, esta pa kapricho keda manera nos ta i no tuma nada di ningun otro pais.

Si tabata asina, anto, nos tur lo tabata sin paña na kurpa, bibá den bohio di ram'i koko, muhénan na piedr'i mula mainsii i hòmbènan ku flecha na man ta kore tra'i yuana.

No aki so, sino na Europa tambe! Den henter mundu ! Ta pasobra nos mester ta habrí pa kultura

ku ta sigui krese nos tambe ta tuma kustumbernan bon di otro paisnan i sigui progresa.

No obstante si mester mantene algo di nos identidat lo no tabatin nada kontra ku na Aruba p.e. mucha muhenan bistí típiko, praktiko, ku sinta na nan frente, i hasta ku un pluma den nan kabey, kestion nan mente ta habrí pa siensia i progreso den mundu, sea ku Bo ta Arubiano of di otro paisnan riba mundu.

Hasta lo mi kie bandona e palabran identidat, i papia di "adkishon di un konsiensia plenario di nos propio balar" -"zelfbewustheid" (gevoel van eigen innerlijke kracht en waarde — sintimento di forsa den nos mes) den menos palabra "un fe kompleto den nos mes" esta un konvikshon ku nos mes por ta kapas di tuma rienda den nos man, no den papia so, pero prinsipalmente den hasi.

Momento a yega pa nos ta independiente di pensamiento di otro nan, siña pensa pa nos mes i aktuá, no sigi laga otro pensa pa Bo.

Finalmente lo ta ideal pa nos sinti nos mes kosmopolita, maske nasí riba un isla, pero prepará kulturalmente ku unda destino hiba nos, nos por kondusi nos mes den bon forma, komo siudadano mundial habitante di e planeta aki ku nos ta yama mundu.

H. BOOI